

7-8







# GEMMÆ HEROUUM,

Post ornatum Domesticum *Annulum*, magis Orbem;

CORONAM ÆTERNITATIS

IMPLENTES:

*Illustr: Domûs RV DNICCIANÆ Decora,*  
Magni Majores.

Post recens fatum

NEPOTIS MAXIMI

*ILLUSTRIS MAGNIFICI DOMINI*

D. JOSEPHI ANTONII

RUDNICKI,

VEXILLIFERI Bidgostiësis, CAPITANEI

Bolemoviensis, NOTARII Quartæ

& Hibernorum Thesauri Regni,

*Ceu post Boni amissionem* Ingentis,

A Posteris serò, ab Orbe semper, ab Omnibus summè

ÆSTIMATÆ.

In caris Pignoribus, tantiq; Hæredibus Pretij,

*ILLUSTRIBUS MAGNIFICIS DOMINIS,*

D. DOMINICO,

&

D. JOSEPHO,

RUDNICCIIS,

Vexilliferidis Bidgostiensibus, &c. &c.

A Grato, candidoq; Æstimatore Tantorum Nominum,

Luci Publicæ

EXPOSITÆ

Anno *Unionis Hypostaticæ* 1728.

VARSAVIÆ

Typis S.R.M. & Reipublicæ, in Coll: Scholarum Piarum.



In Avitum  
DOMVS INCLYTISSIMÆ  
DECUS.



Accipiter tenuem quid præfers Annulum in Ore?  
Et Soleæ volucris quid pede Schema geris?  
Forsitan heroi meditaris Olympia cursûs?  
Offers certamen nobile laudis adhuc?  
Metam RUDNICII tot jam tetigêre supremam,  
Iamq; Coronati, quotquot Olympus habet.  
Accipiter, modicâ pro Sphæra, prênde Coronam;  
Pro Solea, Solium majus in Orbe preme.



**RATIONALE  
ARCHIPRÆSVLEVUM,**

Rationale quoq; ludicii facies opere Polymito,  
Quadrangulum erit, & duplex, ponesq; in illo  
quatuor Ordines Lapidum.

*Exodi 28. v. 15.*

**ORDO LAPIDVM,  
in Rationali Summi Pontificis,**

Olim jussu DEI dispositus.

In Primo Ordine.

SARDIUS, TOPAZIUS, SMARAGDUS,

In Secundo.

CARBUNCULUS, SAPHYRUS, & JASPIS,

In Tertio.

LIGURIUS, ACHATES, AMETHYSTUS,

In Quarto.

CHRYSOLYTHUS, ONYCHIN, & BERYLLUS,

Inclusi auro erant per Ordines suos.

*Ibid.*

In iisdem lapidibus quomodo insculpta erant nomi-  
na Filiorum Israel habetur. *Ibid.*

Quid principaliter debeat collocari in Rationali?

sic ibidem ordinatione Divina disponitur:

Pones autem in Rationali Judicij doctrinā & veritatem,  
quæ erunt in pectore Aaron, quando egredie-  
tur coram Domino. *Ibid.*

A

PRI-



# I. LAPIS SARDIVS.

*Symbolum veræ doctrinæ, & Sapientia;  
Principibus apprimè necessaria,  
colore sanguineo, & igneo, quo feris terrorem incutit.*

**I**mperatores, Reges Principes,  
Intelligite quod enuntiat Divinior Tripos:  
*Erudimini, qui judicatis terram.*  
Irrupere in orbem tot malorum monstra, tot scelerum facies,  
quia erupit Sapientia.

suum nempe Jovem petiit  
Novam Gigantomachiam excitari videns in terra,  
Platonem voto suo frustrari indolens:  
*Cum nec Philosophi sint Reges, nec Reges philosophentur,  
sux virtuti locum non nisi in calo reperit.*  
At ô Diva redi! redi Regina redi!  
*revertere Syonensis, ut intueamur te.*

Orbis virtutibus orbis est,  
veræ sapientiæ exsors & impos.  
Siccine erudito ævo copia mundum inopem fecit?  
inter tot apertas Athenas, rari Cecropes, rariores Solones;  
dum apparent disparent;  
prostant ubiq; & non sunt.

Cum multi tam docti prodire, pauci sunt boni.  
nullo non die sudant præla, fervent operæ.  
Certantes calamis Antagonistæ, calamitatem ingeniis adstruunt;  
& tamen non est tam probus Socrates;  
quem oraculum sapientissimum edixerit.

Multi cum Archimede,  
se, & Patriâ neglectis, cursum cæli considerant  
Arenas numerant, dum Aras, & templa hostis spoliat.  
Plures cum Stagyrita,

dum



dum Eurippi reciprocos fluxus non capiunt;  
illius Mæandris capiuntur.

*Ita magnis ingenis sæpè inest mixtura dementiæ.*

Plurimi Epicuri de grege porci,  
Cupedias suas, & cœnum, cælo, & bono publico præferunt;  
parati cum Hortensio,

pro uno turbato cincinno, non una Trieteride,  
jus urgere, vel bella movere.

Tales scilicet Sapientiæ Antistites;  
non SARDIOS pretiosos, sed Sardos venales in pectore deferunt.

O Labem seculi suâ sapientiâ desipientis!

Sub cortinis sinceræ antiquitatis,  
tacete jam Licurgi, Trismegisti, Archidami;  
Scientiarum Principis Politicæ, jam abrogatum nomen.

Hæc divinior Civitatum gubernatrix,  
hodie in versutiam transformata.

Ex asse Politicum dixeris,  
cui lex exlex, jus injuria, fides vivere sine fide:  
Scientia, sine conscientia, constantia in inconstantia.  
Reproductos non in fabulis Vertumnos,

omnes in formas versatiles;  
nullus Pœtarum graphicè descripserit.

Rudiores jam Tiberii artes,  
& Machiavellus, vix discipuli nomen meretur;  
apud palmares novæ politicæ Magistros,

Ut quid sacras Decalogi tabulas,  
ingeminas populis Sanctæ Legifer?  
servabit illas Arca, non Politici.

Alia (inquiunt) sunt præcepta DEI,  
aliæ maximæ Politicorum,  
novum idolum, Ratio status est;  
novas leges mundo præscripsit.

Siccine est alter hodiernorum Manichæorum Deus?  
qui jubeat pejorare, sacra profanare,  
ex rapto vivere, innocentes opprimere, orbem populari?

Divini Utriusq; Legis Codices,

*depravati  
culi*



diris devovent, & plusquàm Rhamnusiàm Nemesis minitantur;  
illis, qui sodes fiunt contemptoribus Ecclesiæ Mezentjis.

Hodie talibus associari, recuperandæ felicitatis omen est.

Talibus arcas, & arcana Regni patefieri,  
Religionem, & regionem, cum libertate tuendam committi;  
securum ex omni parte asylum est.

Papæ egregios Politicæ præceptores, an deceptores?  
volentes, nolentesq; perfectionem Evangelicam adimplent:

*Diligunt inimicos suos,*

*Benefaciunt eis, qui oderunt eos.*

Regula sanctioris Themidos est;

*Res semel cultui divino dicata,  
amplius profanis usibus famulari nequit.*

At hodie è voto Politicorum,

Patrimonium Christi, pauperum esca,  
Primus est scopus profanissimis manibus, & præda furentium.

*Iterum Iscariotæ in membris suis capiunt Christum,*

*Iterum milites plectunt illi spineam coronam:*

*Iterum eum cruci affigunt;*

*Iterum exsangue jam corpus lancinant,*

*& ultimas sanguinis guttas emungunt.*

Hæc scilicet pietas Politicorum est, impiè agere;  
hæc humanitas, nec DEO parcere:

ô Actiones Reipublicæ salutare,

& Jovis dipthera dignas!

Prima Civitatis felicitas est,

*Si populus sub una lege vivens,*

*ad salutem dirigatur æternam.*

Hodiernæ politicæ oraculum est,

*Nihil interesse, fidem quamcunq; amplectatur;*

*Modò sit felicitas Reipublicæ temporalis.*

Potentia, victoriæ, Provinciæ, opes, Leonina divisione partæ,

hæc publicæ faustitatis illicia, & indicia sunt.

Demum cum Iuliano Apostata,

omnia omnibus fieri Politicum necesse est.

cum Gentilibus gentilizandum;

cum Christianis, Christianizandum:

in du-



in duabus fellis sedendum.

ô quàm luxuriant ingeniis, boni novantes!

DEUM, & naturam novis legibus corrigunt.

Ad tantas seculi abusiones,  
quàm altum ingemiscit Tua Cœlestis Sapiencia:

ô P R I N C E P S !

Et certè in edomandis istis Monstris;

plusquam Hercules Tibi labor est:

*Nempe difficile est cum nimia esse incipit,  
emendare morum corruptelam.*

Tu tamen stupendâ sapientiâ, & patientiâ,  
penè collapsam integritatem instauras.

Non gravi supercilio Catonis;

sed suavissimo Tullij zelo, Catilinas, Cethegosq; coërcens;

Pater Patriæ audis.

in GERLACO à SZEMBEK,

hanc olim virtutem admiratus;

translati in occidentem Romani Imperii auspex,

Sapientiæ, & fortitudinis Phoenix:

CAROLVS MAGNVS,

multis Provinciis, & Regnis salutarem fore autumavit,

Polonia, in Tuis Inachis, Teq; Ipso experitur.

Longo seculorum tractu, & summa temporum varietate,

traducem cum sanguine veram sapientiam,

hactenus boni Superi sartam, tectamq; servârunt:

in exemplum Principum, tutelam populi, Salutem Patriæ.

Sub Suis ROSIS æternum vernantibus,

relinque calame priscos SZEMBECIORVM. Aborigenes:

seculorum vasti, Illos consignant Fasti.

Tu quoq; olim tenuis, tentando grandia,

Synopticè hoc officii vectigal persolvisti.

Divini tamen Consilii arcanum mirare;

Primum Poloniæ Principem,

ex Patre Castellano Camenecensi;



ex Matre ZOPHIA ODROWAZIA nasci,  
STANISLAI Nomine insigniri,  
Pretiosus, quia pretio Sanguinis Lechici emptus;  
Cameneci Lapis:

Jam Primatem nostrum, Lapidem Angularem;  
jam SARDIUM signabat.

Porro ex SOPHIA, Minerva Sarmatica,  
quid prodire debuerat?

Nisi Sapientiæ Symbolon.

Sanctorum hæc Familia, Nazaræos parit.  
Post HYACINTHUM & CESLAUM duos Soles,  
tertiamq; Phæben sororem:

Cognatæ Sanctitatis, & Sapientiæ:  
edidit STANISLAUM.

*Verè letitia Matris Filius sapiens:*

STANISLAI omen, nomen, & mores bajulat.

*Sapientia rerum divinarum, humanarumq; cognitio;*  
in humili non serpit.

*Per causas altissimas procedit.*

Attollere, evola calame,

Si attingere valueris Sapientiæ Principalis altitudinem.

Universitas Jagellonica,

adhuc in tenelli Iuli nostri ætate æstatem;  
autumnus in vere, senium in moribus, & sapientia mirabatur.

Spiritus illius Principalis,  
nunquam telluri inhæsit.

Humana ut fluxa contempsit;

Divina vasto anhelitu exambivit.

Laurentis oris invecus,

Non Montes, non Maria, non Vrbes lustravit.

Sed congressus Sapientum.

Nihil ipsi suavius,

quàm Canonica & Theologica;  
cordi inviscerare oracula.

Ingressere se ultrò erudito Capiti

Sacræ



## Sacræ Laureæ;

ut cum ROSIS jucundius suaviarentur.

Mores Gentium ita cognovit;  
ut nisi Sanctos, & Republicæ salutare  
secum in Patriam referret;

SVIS exoticos ædificaret.

Super Canonice, & Theologicæ veritatis basibus,  
grandem columnam Christianæ Politicæ posuit.

Imo Ipse; ex Lapide SARDIO,  
firmissima Columna.

Fervidam ejus doctrinam in sacris exedris,  
sensere scelerum feræ.

Color Verbo DEI igneus,

*Ignitum scilicet eloquium, ejus vehementer,*

Ut SARDII virtutes præferret.

Hinc ut gemma Princeps; Coronis Cracis inserta,  
acutius illuxit Regni areopagis.

Iusticiam, quâ Aristidem superavit;

aliis sine respectu, & Dorica Musa administravit.

Et quia hoc quoq; ad Legalem sapientiam pertinet;

*Vt gradatim ad honores ascendatur: \**

non fungorum, & cucurbitarum more crevit.

Lapis Ecclesiæ, & Regni ut fieret Angularis;  
minoribus functionibus aptabatur:

Suffraganei, & Officialis Generalis Cracoviensis,  
gravissimum onus, Virum probavit quadratum.

Claræ Tumbæ Abbas factus,

Clariorem, & penè vitalem reddidit.

Tandem ægrè Ipsum dimittentibus Orphanis, & pupillis,

VLADISLAVIENSIS Cathedræ Culmini admotus;

Personali visitatione Diœcesis, reformatione Cleri;

SARDIVM gemmam se ritè exhibuit.

Hoc demum gemmeo Lapillo notet Polonia:

Inter Pastoritias curas;

quæ omnes artes superant:

*\* l. II. pr. ff. de Muneri & honor.*



Eum Reipublicæ semper integrum fuisse.

Porro hoc in passu beatum dixeris;

*quia non abiit in Consilia impiorum.*

Cœlestis Politicæ cultor,

nec prece, nec pretio, nec minis, à saniori sensu;

unquam dimoveri potuit.

Vita, mores, consilia, Divinis principiis conformia,

In tanto rerum turbine;

Miraculum, & oraculum utriusq; sapientiæ,

& verè STANISLAUM contra tot Boleslaos eum monstravère.

Macte animo Primas Primeq; Princeps!

in hac superna ordinatione

nemo TIBI palmam præripit.

Hostes ipsi virtuti præana occidunt;

quia posuisti in RATIONALI Iudicii TVI,

*Doctrinam & veritatem.*

Quæ semper sint in pectore TVO,

& ita ingredi in conspectu Dei Ecclesiæ & Poloniæ;

immortalis.

## II. L A P I S T O P A Z I V S.

**P**Artim cæruleo, partim aureo insignitus colore;  
Symbolicè significat animum cœlestem,  
omnibusq; adversis Superiorem.

*Idem ad radios Solis impensius incallescens, denotat viros  
bonos & cautos, qui in æstu curarum, & periculorum, ma-  
jorem heroicae mentis splendorem, & calorem virtutis ex-  
hibet.*

Sapientem dominari astris,  
vetus oraculum est.

Vtcunq; asseverent Vranix Cultores,

suas etiam Planetis inesse malignitates;

Dixerint Saturnum nunquam terris propitium,

Martem & Mercurium rarò:

Solem



Solem ipsum ab animalibus Zodiaci irradiari, observaverint Ptolomæi;

Sapientem hæc ne tangunt quidem:

imò sapiens noxæ à cælo avellit calumniam:  
quod nobis suis astris lucet, suis orbibus gyratur;  
suas influentias fundit.

Meteororum Monstra, si orbem terrent, & quatiunt;

Cœlis non imputanda.

Ingrata hæc progenies utriq; Parenti.  
solis beneficio in altum levatus humor;  
in nubem abit:

Et illico soli lumen furatur, splendorem offuscet.

E visceribus matris telluris, tracta exhalatio;

in fulmina, & fulgura transit;

Gigantomachiam molitur;

Cœlis in beneficii sui orbita manentibus.

Porro si illos tam vesana, ut sublunaria fatigaret alteratio;

præter Atheniensis Legati hyperbolen, dudum ruisent.

Viris catis, & ad omnes eventus cautis,

eadem plerumq; ut Cælo injuria est.

Ab illo impensum perpetuum terris beneficium;  
sæpe pro offensa censetur.

Profanissimi mortalium, suis privatis commodis intenti;

sive pluvium, sive sudum sit cælum, semper incusant.

Nec sunt tot sidera Polo;

quot optatores ab illo singulorum commodorum.

Sed quid augustus siderum ordo!

moremne gerit sui blateronibus?

credant his apellæ:

Pluit ille, serenat, & occultè influit;

ut salva sint, & integra sublunaria.

Principes Viri,

In quorum Consilii cardine Respublica volvitur:

Cœli genio se conformant;

TOPAZIUM imitantur.

Cœrulei sunt, & quasi subfusci,

sub cortina prudentis cautelæ consilia regentes,

C

Mox



Mox aurei,  
cū faustior eventus;  
Heroicos actus in apricum exponit.  
TOPAZIUM hactenus portas,  
Ô PRINCEPS!  
Inscrutabile videbatur animi TUI cælum,  
& licet nunquam fulminibus horridam:  
tamen formidabile.  
Adurebant hanc gemmam RATIONALIS TVI,  
tot curarum, & periculorum æstus.

Quid illa?  
amisitne, vel saltem minuit innatum splendorem?  
imò plus solito auxit.  
Haustis tot splendoribus multi Phœnicenses;  
quibus sol Sarmaticus AUGUSTUS erat beneficus

Callidi non calidi,  
orientem tantum, & beneficia largientem adorabant.  
Occidentem fortè plures optabant;  
quasi benefacta ejus graves offensæ essent.

Quid TV Ô PRINCEPS!

Omnibus adversis Superior ac TE Ipso Major;  
etiam absentis solis radios impensius fovebas,

*Ostendisti Reges, à DEO dari,  
nec industriâ humanâ tolli;  
& frustra cum fatis luctari.*

Solemnis & illa TVA parænesis,  
data Capitibus coronatis;

Non insolescendum esse victoriis;

*quia Reges in ipsos imperium est Iovis.*

Victores victos, victosq; , & Triumphatores in triumphum duci;  
Orbi compertum est.

Applaudere verax calame!

Pretiosior PRINCEPS, super aurum & Topazion;  
diutissimè vota Poloniæ Coronet.



### III. L A P I S. S M A R A G D V S.

*Qui maximè viret, ita; ut res alias coloret: Vnde Hebraice vocatur Berekit, hoc est fulgurans.*

*Tropologice significat innocentiam Mentis, puritatem animi, & Corporis, sinceritatem cordis.*

**M**agistratum, metam esse calumniantium;  
non incassum protulit Cassiodorus.

Nemo est Principum, quem non gravis fama perstringat:

Infelix appendix virtutis, & gloriæ invidia;  
hos aculeos vibrat in magnos Viros.

Livor tabificum malis venenum,  
nonnisi summa petere consueverit.

Talis est nempe sors vitæ Principalis;  
ut quantum admirantium, & applaudentium;  
tantum invidentium numerum habeat.

*Major enim pars hominum, injusta justis, potiora ducunt;  
quorum cupiditates expleri nequeunt.*

Sed contra hoc aconitum, quod est amuletum?  
cum majore animo, honestatis fructus in conscientia,  
quam in fama reponantur.

*Vera & sapiens animi Magnitudo,*  
honestum illud, quod maximè natura sequitur;  
in factis positum, non in gloria judicat.

Principem se esse malit, quam videri.

*Etenim, qui ex errore imperitiæ multitudinis pendet;  
hic in magnis viris non est habendus.*

### TIBI verò Ô PRINCEPS!

Si tale monstrum, quod non credo, occurrerit,  
quod subest asylum, quæ arma?

Solus SMARAGDUS RATIONALIS TUI,  
Symbolum innocentiae, & animi puritatis.

Ad hunc lapidem si quis allisus fuerit, cadet.

Cum Arragonum Monarcha,

Tutus es; quia innocentia comitatus incedis.



Cum Tito jure dicere queas:

*Nemo me injuriâ afficere potest;  
quia nihil ago, quod alios ledere possit.*

Experimento in TE discimus,

*Firmissimam esse custodiam,*

*ipsam innocentiam Principis.*

*Hæc arx inaccessa, hoc inexpugnabile munimentum,  
munimento non egere.*

Divinum aliquid antiqui imputarunt innocentia.

TV Ô PRINCEPS!

non humano modo inter tot adversa triumphas.

Omnem Aristarchi virgulam,

omnem Catonis censuram effugis.

Ipsa innocentia triumphalis,

obturat os loquentium iniqua.

Ô TE à Paulo delineatum exemplum bonorum operum

Ô irreprehensibilem ab omni Momo Archipræsulem!

Si vixisset hodie Apocalyptica Aquila,

TIBI inter Angelos Europæ scripsisset:

Angelo G N E S N E N S I scribe.

Angelo innocentia vitæ, puritate mentis & corporis,  
sinceritate cordis.

Augustissima Trias,

TE servet in seram annorum seriem,

Optime Maxime Pontifex

C L E M E N S XI.

Genuinam nomine, & re complexus es Clementiam,

qui innocentiam STANISLAI,

posuisti in supremo Candelabro.

Nempe imitatione CHRISTI,

Talis Nobis opus ut esset Pontifex,

Sanctus, innocens, impollutus, &

à peccatoribus segregatus.



# IV. L A P I S C A R B V N C V L V S.

*Dictus carbo ignitus, cuius Specimen refert, unde & ignem non sentit; significat ardentem in DEUM, & Commune bonum Charitatem.*

**V**enite Tulij!

antithera nova legite in Polonia:

Religio nunc primatum tenet in omnibus, & non tenet.

Pro illa, omnes etiam mori deberent,

& nemo, nè pilum quidem pro ea amisit.

Honor DEI præcipuus est in Ecclesiis, & non est.

Patria omnes Charitates complexa est, & nullam.

Omnes habet propugnatores, & nullum.

Omnes commune bonum tuentur,

& omnes rapiunt.

Plurimi pro legibus zelant, & contra leges.

Libertatis sunt assertores, & exterminatores:

Servi simul & liberi.

Ipsa Libertas apud nos virgo est, & non virgo:

Maximè dissoluta, & maximè mancipata.

Quid cunctamini in dissolvendo ænigmate?

res sole clarior est.

*Eò ventum est, ut DEI causa, vel totaliter negligatur:  
vel ultimum locum sortiatur.*

Majores nostri non avaritiâ, vel furore bellico;

sed zelo promovendæ fidei,

vicinas Gentes subjugarunt.

MIECISLAUS cæcus natus, oculator per CHRISTVM factus;

tot Episcopatus, tot Ecclesias CHRISTO,

ædificavit, dotavit, ditavitq;.

Hodie videntes, cæci tamen,

& MIECISLAI dona,

& CHRISTI Patrimonium;

pro prima præda habent.

D

Cernen-



Cernentibus nobis, (cave dixeris,) annuentibus,

Immunitas Ecclesiarum violata;

Pulvinaria Divum, sacra vasorum supellex,  
sub hastam, & rapinam venit.

Tales nempe amicos quæsimus;  
qui non nobis tantum, sed & DEO essent injuri.

In plurimis templis sacra silent,  
& nos buccinamus, *omnia ab Ecclesiasticis absorpta:*

Nempe CHRISTUS ultimâ tunicâ,

ab utroq; milite spoliatus;

adhuc est opulentus:

inopia ipsi copiam fecit.

Quid tu ô Divinior Berecynthia!

Omnium nostrum Mater Patria:

Ergo jam in Nioben es conversa!

Ah ( inquit ) & lacrymæ deficiunt,  
& hæsit vox faucibus!

Ultimos traho Spiritus,  
plusquam noverca tractor, ab his privignis.  
Omnes quærent, quæ sua sunt, non mea:

& ipsi defensores, offensores facti;

intimos jam penetrarunt penetrales.

Ah nefanda singularitas, communis boni venenum!

At ô Diva!

Sociam Libertatem accersi.

Sed ubi prostas, ô Soror! ubi profuga hæres!

Umbrae, an rem prospecto?

adhuc ne in vinculis es libera?

Præsto adsum, ô Mater dulcissima!

noli mærare, noli languere.

En ROSÆ SZEMBECIANÆ Salutares,  
amoris indicia, & illicia,

cor recreabunt.

IPSÆ CAPELLÆ GENTILITIÆ,  
pro Te ad victimam ire paratæ.

En quàm saliunt, ut pro salute Tua immolentur

Adest



Adest PONTIFEX,  
non unum, sed plures HÆDOS,  
ad vesperam calamitatis immolare paratus.

Placabitur Divina Nemesis,

*Cum Moyses hic elevabit manus,*

*Et jure offeret sacrificium Aaron.*

Iam Nobis Serenior arrisit Apollo.

SZEMBECIANVS Genius,

Præcipuus prisca Moris exactor,

in id omnem congerit operam;

ut antiqua Majorum instituta, & jura instaurentur.

*Fuerit sanè hætenus, probrosa nocendi ratio,*

*quando pignus salutis,*

*vertebatur in materiam perditionis;*

hodie ad Legum compagem, omnia reducuntur.

Excedite jam, & dicite tria in Curia,

turpissimi quæstus, & nundinæ vocem liberarum.

Abi dissoluta temeritas!

nec legibus, nec Regibus, nec Ordinibus,

imò nec Vicariæ DEI Potestati parcens.

Hætenus mille prætextibus subtiles laqueos nexuisti,

aureæ libertati, effrænata Licentia;

Jam modo vasa colliges angusta.

Princeps Regum terræ,

Felicis seculi dabit revolutionem.

Sub AVGVSTO olim,

rite paludata incessit Regina Libertas;

Sub AVGVSTO in effedo triumphali redibit.

Præibit amor SZĒBECIUS;

cui nihil dulcius, quàm se, suaq; impendere;

ut Patria fervetur.

Superi tales nobis providete Heroas,

qui Cives, Patresq; gerant.

Tales Primates, Primosq; Principes,

qui in RATIONALI SVO CARBUNCVLOS præferant.

Semper ardentes, & nullos exoticos ignes perhorrentes.



# V. L A P I S S A P H Y R V S.

*Qui cœlestini est coloris, & simul aureis punctis collucens,  
soli expositus ardentius fulget. Tropologicè significat viros,  
corpora quidem in terra, mente verò in cælis conversantes:  
adeoq; pro Publico intuitu cæli nullam jacturam præsentium  
rerum metuentes, imò sponte eam subeuntes.*

**M**agna & inania de locustis minutiorū entiu jurgia,  
huc transferte Philosophi.

Stupendam hominis Symmetriam spectate;  
omnes illa absorbebit difficultates,  
omnia ingenia fatigabit.

Exilis quidem hæc civitas,  
Sed qualem nullus Dædalus fabricarit.

Stupendam ædificium,  
quod angustijs suis tantum comprehendit habitatorem;  
ut contentum sit majus continente.

Porro mihi, cum omnia hac in fabrica sint admiranda,  
tum arx Civitatis in extasin rapit.

*Nempe os homini sublime datum, & erectus ad sidera vultus.*

**Quid ita?**

Ut ingens hospes animus,  
ex specula ista, supernam Patriam prospectet;  
Non totus hic habitet, Cœlo se inferre paret.

*Nihil enim est inconvenientius, sedinsvè,  
quàm animum naturâ immortalem;  
mortalia duntaxat curæ habere.*

Cæterum plurimi exilium istud fatale,  
Patriæ præferunt.

Multis cœlum neglectui, cœnum primas curas eripit.  
*Cælum (ajunt) Cæli Domino, terram autem dedit Filijs hominum.*

Imò plures sunt tam cæci Andabatæ;  
ut nec æternæ, nec temporali Patriæ,  
ac proinde nec sibi sint utiles.

Cum tamen verissimè Romana enunciat Cyrrha:

*Qui*



*Qui Patriam adjuverint, servaverint, auxerint;  
ijs peculiarem locum esse in Cælo.*

Verùm assumite tandem oculos, talpæ!

Augustius Pantheon EXCELLENTISSIMÆ DOMÛS SZEMBECIÆ intrate.

Heroes, hoc est Semideos spectabitis.

Hos Religionis, & Cæli amor,  
terrīs hærere non finit.

Paradoxum existimatis?

utiq; non profanum probatis viris enunciatur oraculum:

*Vos Dii estis & Filij Excelsi omnes.*

Si igitur Filij; levare debent ad Patrem oculos in Cœlum:

*& quæ sursum sunt sapere.*

Porrò ad hanc conversationem cælestem, omnibus præit,

**PRIMVS PRINCEPS:**

etiam ad Cælum pro Patria,

**LEGATVS NATVS.**

*Ita Ille Polo liber aperto,*

*suevit in æthereos ire meatus.*

Primam post æternum Communis boni curam gerens,  
cæterarum jacturam rerum, æquissimo fert animo.

Præter opes in opem pauperum erogatas,

pro servandis Ecclesijs impensas,

quæ commoditati Principalis Personæ servire debuerant;

Hostis rapuit, verna miles abligurijt.

Imò domestici Hominis inimici ejus,

addiderunt afflictionem afflicto.

Quid enim in tumultu belli Civilis speraveris?

nisi, ut luporum more, Civis Civem devoret;

nec Filius parcat Parenti.

Tandem extorres, videns in Patria Cives,

jam ipse quoq; exsors, tantisper furori concessit.

In proxima vicinia, ad fines Regni substitit,

furentis Pharsaliæ præstolaturus finem.

Patriam non deseruit,

sed illam in Persona sua, & benè sentientium servavit.

Quis enim tunc Poloniam, in Polonia reperiret?

E

Egref-



*Egressus est ab hac Filia Syon omnis decor,  
imò illa à se ipsa egressa est.*

In tanto nubilo, & fatali procella,  
SAPHIRINUS semper,  
hoc est cœlestis, ARCHIPRÆSULI color.  
Admiratus est illum Sol exoticus,  
in cuius conspectu fulgentius effulsit.  
Hoc TUUM pretiosissimum RATIONALE,  
Ô PRINCEPS!

quòd Patriam TUAM ad cælum dirigens,  
illius contemplatione, omnia sustineas.

Modò à TE reduce nihil postulat Polonia;  
nisi, ut ipsa quoq; in pristinis legibus moribusq;,  
sub Consule tanto, ad se redeat.

## VI. L A P I S J A S P I S.

*Gemma firmissima & virens, ideoq; Smaragdo subsi-  
milis juxta Isidorum. Tropologicè significat firmitudinem,  
Fidei Divinae, humanaeq;, robur utriusq; vite, & consiliorum  
salubrium inconcussum.*

**S**peritos, sincerosq;, inveniret æstimatores,  
hic lapis, pretio omnes superaret.

Et Natura illi firma, & viror immutabilis.

Divino arcano, insertus RATIONALI PONTIFICIS;  
ut inconcussam, invariatamq; fidem,  
juxta ejus virtutem servandam, intelligerent populi.

Connectuntur Fidei Consilia,  
quæ firma, solida, semperq; virentia;  
ex labio Sacerdotis promebantur.

Hæc equidem non Delphicus Apollo,  
sed DEVS, qui nec falli, nec fallere potest;  
Legifer ipse, Legifero Surrogato ordinanda demandavit.

Hoc immensum pretium fidei,

inter



inter prima dona demandavit.

At hujus boni quales sumus æstimatores?

*Certe si à Gadibus, usq; Auroram & Gangem,  
pauci sunt qui dignoscere possint vera bona;*

Fidei excellentiam plurimi, pro alga habent.

Corruptissimo & fatali ævo,

quo fraudum, rehnarumq;, ac nova scelerum ostenta prodière,

Liceat cum Romano Consule exclamare:

O tempora! ô mores!

Plebeium jam bonum credita est plerisq; fides.

Minores à Majoribus, hanc noxam, ut palmarem virtutem discūt.

quam fallacissimus olim Græcorum edocuit:

*Pueros (inquit) eludendos esse talis;  
claros Viros pure jurando.*

Trahitur ad hanc pseudomaximam,

& Senecæ integritas:

*Equitem (inquit) bonum Virum, omnis decet color:*

Ita est, ô versuti Synones!

sed non ille, quem temporarius fucus incruscat;

ast quem peritior Pharrasius, animus sincerus,

æternitati pinxit.

Ex omnibus celebrior habetur candidus,  
quem unum, & solum chamæleontes non suscipiunt.

Sed ô fraudulentæ Lærtiadæ!

non coalescent Thebæ,

nisi lapides fide Amphionis consaliant.

Hæc Divina harmonia, ad unionem vocat;

Civitates ædificat.

Nunquam ædem Concordiæ ingrediemini,

nisi prius templum Fidei intraveritis.

Tale est Augustale,

ILLVSTR<sup>ma</sup> & EXCELLENTISSIMA,  
SZEMBECIORVM DOMVS.

Procul hinc Vertumni!

qui, ut placeant Pomonæ, omnem formam effingunt.



Fuere OCTAVIANO AUGUSTO,  
geminæ Imperij bases, & Fidei Sacratia,  
Mecænas & Agrippa.

AVGVSTVS Noster Invictissimus,  
Quot SZEMBECIOS,

tot Mecænates, Nactus est & Agryppas.

Hæc est magnæ felicitatis infelicitas;  
ut cui se Conso credere valeat, ignoret.  
Multi Bruti, Cæsares, ut DEOS adorant;  
sed ut hominibus, imò ut brutis insidiantur.

*(ô Vita fallax, abditos sensus geris!)*

Plures similes heliotropijs,  
Versis vultibus, serenum tantum prospiciunt Phæbum.

*Plurimi etiam benevolentia irritantur,  
quibus cum benefeceris, pejores fiunt.*

Ingemuit Innocentissimus PRINCEPS,  
contra se tot Sejanos;

Non occultos tantum, sed apertos surrexisse.

ô Fidem infidam!

Beneficijs, & honoribus cumulati:

SACRAMENTO Majestati toties obstricti:

Sigillatim, & cumulatim, Apostatæ Politici facti,  
perduelles fieri, hosti adhærere,

& ultimum honoris exterminium Regi, tentare non erubuerunt.

Elanguisset tunc PRINCEPS præ mærore;  
Nisi ROSIS SZEMBECIIS, planè Regijs floribus fultus fuisset.

Quantum Fidei documentum, in sopiendis animorum motibus?

In æstu Civilium turbinum,

Quanta Constantia, & animi firmitudo!

In dandis sanis Consilijs!

quanta SZEMBECIORUM sinceritas!

Alios fermè omnes, vel aurum Sudermanicum,  
vel ferrum minax distraxit;

nova in dies factio, aut odium avulsit.

TU ô PRINCEPS cum TUIS,

Rei-



Reipublicæ, Regi, Légibus, Libertati,  
Marpesia Caudes, & grande firmamentum extitisti,  
fata prius TVA, quam istorum experturus.

Ergo diutissimè Sospes, & integer,  
PHILIPPO Nostro Victoriosissimo,  
Antipatrum age,  
Ut in ROSEO TUO sinu,  
*publicis curis lassatus, tutò dormire valeat.*  
Ædepol, in tam sincera, fida, delicata culcirra,  
*continget illi somnium & res Scipionis.*

## VII. L A P I S. L I G V R I V S.

*Seu juxta D. Hieronymum ex Apocal: cap: 21. Hyacin-  
thus; qui Iosepho Hebræo, est mira pulchritudinis gemma, quia  
fulget imagine cali. Per illam tropologicè significatur mira af-  
fectuum harmonia, morum suavitas, perpetua animi malitia.*

**E**Xquo nos Lucina in Lucem effudit,  
in arena collocamur,  
prius nobiscum, quam alijs Compalæstritis luctaturi.

A teneris hanc luctam aggredimur;  
quia livida Iuno concupiscentia,  
etiam in Cunis Herculi submittit angues.

Qui nisi discerpantur,  
in horrendam dein excrescunt Lænam.

Quantus autem in edomanda illa labor?  
non facile vel ipse Homerus descripserit.

Adstat, & urget septiceps monstrum,  
non unum interitum:

Cui sive singula, sive omnia capita abscideris:  
iterum repullulant, iterum intoxicant.

O Mundi Nemea! ô Erymanthia seculi!

quot Leones, quot apros foves!

quot Stympthalides circumvolitant!

quot arripedes tauri circumcursant mortales?

E

Quòd



Quòd verò magis mirère;

in penetralibus corporis nostri,

tam feræ belluæ stabulantur.

Exhorruit illas, ille exercitatissimus Athleta;

& quasi stupens exclamavit, ad vitæ authorem;

*Quare me posuisti contrarium tibi?*

*& factus sum mihi metipso gravis?*

Quid igitur facto opus est?

cùm continua cum his monstris pugna,

rara sit victoria.

Alcidam cuiq; agendum est,

*audendum est aliquid, ut aliquid esse velis.*

Porro si hæc bella geri placuit, multos habitura triumphos,

in edomandis affectuum ostentis,

habet suum Lechia Herculem:

**CELSISSIMUM PRIMATEM SZEMBECIUM.**

Ille Victoriarum ectypon esto.

Ea tempestate vivit hic Princeps,

ut inter tot occasiones, & irritamenta affectuum,

inter debacchantium furores,

Millies ipse succumberet Tyrynthias Heros.

**At ARCHIPRÆSUL NOSTER,**

à teneris principes feras, Concupiscibilem, & Irascibilem,

capistro confringens, ethico,

affiduos egit triumphos.

Hinc illi animus Cœlo cognatus,

nullis effervescentium affectuum fulminibus horridus;

Frons serena, & vultus Principalis,

nullum tetricantium nubium squallorem admittit.

Mentis pacatissimæ perpetuum sudum,

*& facies grata, torva viriliter,*

*pondusq; supercilij Magnificum & verecundum.*

Forlan nemo vidit iratum, nisi iræ.

Mirabile hoc est in Principe,

cùm sit encyclopædia scientiarum,

& tamen nescit odisse.

Ergo nullum objectum, est illi odiosum?

Ita sanè; nisi ipsum peccatum.

*Cum*



*Cum enim sit integer vitæ scelerisq; purus,  
contra naturam esset innocentis animi,  
aliquam noxam admisisse.*

*Ita ROSÆ non admittunt satentes scarabæos;*

## CAPELLÆ SZEMBECIÆ,

*quia Oleniæ sunt & Cœlestes,  
Reginâ florum pascuntur;  
ideo malè olere nequeunt.*

## VIII. L A P I S A C H A T E S.

*Latine dicitur sociabilis, & pacificus: quia multæ in eo  
figura, & colores associantur: Est sitis extingtor, cordis roborator,  
perpetuus veneni hostis. Hunc Aquila observatur importare  
nido suo, contra serpentes.*

**S**i peritior Hypocrates, pulsum nostrum observaret,  
ferè omnium corda intoxicata deprehenderet.

Privata compendia Civium,

Publicorum lethifera venena sunt.

Hinc quidquid communi bono detrahatur,  
vel per incuriam, magis injuriam deperditur,

ut privatis Laribus inveniatur;

aconitum est, cicuta est.

Rarus est Socrates,

qui illam hodie non coactus, sed sponte non hauserit.

Hinc plures in furorem acti,

ruptis omnium Legum repagulis,

Ipsi sibi dissident.

Quasi jam hebescentibus sensibus,

Regem præ oculis habentes, alium quærunt.

Pestiferum hoc symptoma,

tanquam æstro perculit multorum cæca pectora,

ut nova signa levarint, & se Duces inauthoraverint.

Quasi verò nullus ipsis jam superfuert hostis,



Patriam, & innocuos Cives,  
ut gravissimos hostes adorianur.

*Ita, quod luxus abligurijt privatus;  
ex communi bono laceram & maceram fortunam;  
sarcunt, & sarcunt.*

Deniq; cum struere novam Babel nequierint;  
factâ ingenti linguarum, & morum confusione;  
abeunt in universum Orbem,  
sed tantum Polonum.

Injuriatores, injuriam ulciscuntur in Colonis,  
quam in cordationibus Polonis ulcisci nequeunt.

Superi tantam à Nobis avertite pestem!

Cordi igitur primò medendum est,  
ut ad se redeat.

Applica illi TUUM ACHATEM,  
ô PRINCEPS CELSISSIME!

Archiatrum TE hujus Regni,  
DEUS Scientiarum Dominus providit,  
Dexter ades portitor Lapidis,

*Sociabilis & pacifici;  
qui facit utraq; unum.*

Proh dolor! quàm ingenti suo damno,  
amisit hanc gemmam,

Polona Aquila!

quam contra venenatos foverat serpentes.

Scimus à TE accuratè servari,  
hunc inæstimabilem unionem.

Ergo illum infer nido Regnatricis ALITIS;  
ut ex unione, salus publica veniat;

*Vnio animorum.*

A diptade morfi pleriq; Cives,  
Siti perpetuâ torquentur;  
adde non aquam, sed elixier ROSARUM;  
ut ista febris restinguatur.

Efficis hoc ultra vota Nostra;

DEVS



DEUS, & Fortuna adspirent labori;  
Ut Magistratus iste sublimis,  
*sit medicus Civitatis.*

## IX. L A P I S A M E T H Y S T V S.

*Coloris purpurei, Rosei, & violacei: sculpturâ est facilis, leviter flammulas fundit: luxui resistit. Tropologicè juxta Cornelium à Lapide, animum modeste de se sentientem, & injuriarum patientem denotat.*

*S*cribere in marmore lasos,  
vetus paræmia est.

Verùm isti characteres iræ, & Rhamnusiæ Nemesis,  
malè excocti animi indicia sunt.

Non est probrosior Luxuria,  
quàm ita philauticum esse;  
ut non ignoscas.

Plures tamen inveneris, velut Cyrcæo poculo potos;  
quibus philtum amoris proprii, porcorum ingerit mores.

Hinc portentosas somniantes præsumptiones,  
Irâ & furore temulenti; Carthaginis votum contra Romanos,  
etiam contra amicos ingeminant.

Sæpè injecta, vel justæ reprehensionis festucâ,  
apud delicatulos Smindyrides:  
in grandem excrescit trabem.

Sunt, qui naso insidentem muscam,  
elephantum putant.

Leves illis flammulæ,  
etiam ab æquitatis foco, & dextra Scævola irrupentes;  
Trojani instar videntur incendij.

Pleriq; ipsam innocentiam,  
ut grande crimen, Vatiniæ odio persequuntur.

Et ideo Catilinæ pessimus Cicero;  
quia Optimus Civitati.

Hic turbo, & TE exagitare conabatur,

G

Ô PRIN-



# Ô PRINCEPS!

Nil inveniens in pectore niveo, censurâ dignum;  
Ipsam Constantiam TUAM,  
Legi, & Regi Legitimo adhaerentem, incusabat Livor.  
*Heu quam apud malevolos, improbatur probitas!*

Quid ad hæc TVA Innocentia?  
Elephantorum more callum obduxit.  
Illud vatis, velut triumphale carmen occinit:  
*Mordear opprobrijs falsis, mutemq, colores;*  
*Falsus honor nocet, & mendax infamia terret,*  
*Quem? nisi mendosum & mendacem?*  
Solemne est ophtalmiâ laborantibus,  
non posse lucem spectare.

Multi suo malo, dum in sole maculas quærent;  
pupillas amittunt, extinguunt lumine lumen.

## TE ergo Ô PRINCEPS!

*iustum & tenacem boni propositi virum,*  
*non ardor Civium prava iubentium,*  
Sed Cœlestis lenitatis vigor, movit ad ignoscendum.

TUO exemplo, svasu & ducatu,  
AUGUSTVS Noster  
Serenissimus,

datâ universali amnestiâ inimicis,  
Romanum Augustum, adæquavit, vel superavit.  
Sic ROSÆ TVÆ leniverunt calorem offensarum.  
De Paradyso decerptas crediderim,  
quod aculeis careant.

Jo triumphe!

AUGUSTVS iterum solis more,  
Omnibus exoritur, gratis, & ingratis.

Novus Iupiter Gigantes oppressurus,  
Non fulminibus sauciat, sed gratijs satiat.  
Porro & TUI FLORES Ô PRINCEPS!  
jam in sidera mutati, ponè suum solem sequuntur.



nil nisi influentias benevolentiae fundant.  
Discite mortales exemplo Principum,  
*optimum esse vindictae genus ignoscere;*  
*sic parantur Augustis, ex inimicis, amici.*

## X. L A P I S C H R Y S O L I T V S.

*Partim aurei, partim marini coloris; hinc Hebraicè vocatur Charsis, id est marinus. Tropologicè significat poenitentiam, seu dolorem super ruinam alicujus, praecipuè boni Publici.*

A Vreo olim seculo,

*aurei Patres, aureos genuerant Filios.*

Hodie aurei quidem, sed plumbeos gignunt natos.

Annulis, & Cymeliis, solenne erat CHRYSOLITOS inferere;

ut potè aurei coloris, & marini;

quia etiam maria tranare noverant.

Hodie novus Neptunus, & Istulam clausit;

ne liceat cuiquam Iasoni, & Typhi;

ad vellus aureum recuperandum,

salum, solumq; pertransire.

Fuit hic Argonautis labor,

ut arte Palladis fabricatam Argonavim,

in salo haerentem,

etiam humeris exportarent.

Quassatam non unius rabie Noti, fortunam Regni vehementem Navē,

vel primi deseruere Navarchi.

Indoluerunt quidem Naufragio;

& jam vela dabant ventis, ut juvarent;

sed non secundis.

Accessit tandem dolor, & poenitentia,

sed sine emendatione.

Omnes Cives ringebantur animis,

& tamen nemo vindicem gladium vibravit;

*Nempe amicos nefas erat ledere.*



Verùm quid de isto dolore cordatiores sentiunt?  
 id, quod de lacrymis Crocodyli.  
 Devorato homine luget Crocodylus,  
 hi tandem absumptis privatis bonis,  
 sentiunt exitium, & serò lugent.  
 Quia cùm obijcerentur amantes Reipublicæ Daniele Leonibus,  
 in cachinnos solvebantur.  
 Verum est apud nos, illud Livij, & Senecæ;  
*Tantum nimirum ex Publicis malis sentiri,  
 quantum ad privatas res pertinet.*  
*Et quis est istorum, qui non malit Rempublicam turbari, quàm comam suam?*  
*Ceteros jam novimus,*  
*qui cò dementiæ processere;*  
*ut amissâ Republicâ,*  
*piscinas, & casas suas, salvas sperare videantur.*  
*Adeo non in Commune spectant;*  
*sed suum quisq; diversi commodum fœcillantur.*  
 At TUA Præcordia PRINCEPS CELSISSIME,  
 qui lancinat dolor?  
 TU Matrem apum imitatus,  
 aculeo quidem carens;  
 Stylo tamen amoris, omnes ad amorem boni Communis stimulaſti.  
 Tanto acumine sine punctura Triumphator,  
 omnes compunctos reddisti.  
 Vincula Charitatis TUÆ suavissima,  
 etiam liberos vinxerunt.  
 Novus Hercules apparuisti;  
 qui aureis Consilij catenis, sanè discolos, & distortos animos;  
 in triumphum amoris Publici duxisti.  
 TIBI igitur Polonia,  
 hæcenus divisa, nunc unita:  
 Arrham, & aram amoris destinabit;  
 Nisi TU cum TUIS, non desistas,  
 Poloniam, Poloniæ restituere.



# XI. L A P I S

## ONYCHINVS seu ONYX.

*Est varij coloris, ut Sardonyx & Chalcedonius; & quia  
vasta interdum reperitur magnitudinis; ideo ad varios vitæ  
humanae usus & ornamenta applicatur.*

**O** Sores hominum Titmones,  
non Athenæ solum, sed totus mundus merito oderit.

Quæ est enim Vefania,  
se sibi soli nasci putare hominem?  
ô partus abortivi, & monstra!

Obtutum vertite in universam creaturam.

Quid commodi est cœlo,  
perpetuis choreis, se incommodanti?  
nonne sublunarium perpetua conservatio.

Solis, Lunæq; labores pensate,  
nonne nostro motui, & quieti allaborant?

Nunquam effæta Parens tellus,  
tot fructibus prægnas;

Cui se æviterne eviscerat, nonne viventibus?

Omnes Universi hypostases,  
idem millenis vocibus clamant:  
non sibi illas esse, sed communi usui.

Quid ad hæc vos animæ singulares?  
perpetuò alteri incommunicabiles.

Imò Ideæ Platonicae,  
neq; singulares, neq; universales.

Hic nempe usus vester est,  
nulli usui esse.

O inania pondera terræ!

Nubes vacuæ & steriles, à ventis circumlatæ!

Spectate SZEMBECIAM Profapiam.

Lapidis ILLA ONYCHINI imitatur ingenium,  
& colorem multiplicem, Patriam illustrantem;

& virtutem communi bono communicat.



A Summo Bono maximè sui diffusivo,  
hanc communicatam virtutem hausit abundantiùs HEROICA DOMUS;  
ut in commune evisceretur.

Si quam nactus est Magnitudinem Illius ONYX;  
In usus Ecclesiæ, & Patriæ, tota impenditur.  
Sex tantùm visuntur columnulæ Onychinæ,  
In Basilica Principum Apostolorum Romæ:  
**ONYX SZEMBE CIVS,**  
Plurimas, & grandes, Ecclesiæ, & Patriæ;  
in Polonia, efformatur in columnas.  
Fulcitur his, & ornatur Lechiæ integritas;  
Firmantur Regnantium throni.

Coronatum Virus Mythrydates,  
Fors ad depellenda toxica;  
duo millia Onychinorum poculorum,  
in thesauro habuisse perhibetur.

In Polonia, quot SZEMBE CII,  
tot vasa electionis sunt, quæ omne respuunt virus.  
Scimus grunisse, non unum cum renigibus Elphænora porcis,  
dum Borealis Cyrce, scyphum propinâsset.

At PRINCIPIS Primi Genius,  
cautiores Ulyssen egit;  
nec vas, nec os porrexit dolci veneno.  
Omnes ventorum furias moverat Eolus Ille;  
quibus Pergama Trojæ nostræ prostravit.  
Stetere tamen hæcenus ONYCHINÆ,  
**SZEMBE CIORVM Columnæ.**

*Confirmet hoc DEUS,  
quod operatus est in eis in æternum.*

## **XII. L A P I S B E R Y L L V S.**

*Qui instar aquæ, solis fulgore percussæ, rubicundus, &  
decorus est; sed non fulget, nisi in sexangulas formas poliatur.*  
*reper.*



repercussione enim angulorum, fulgur acuitur, tenentisq; manum adurere dicitur. Tropologicè significat animum Heroicum, adversis probatum, & si fractus illabatur orbis, impavidum, ac immobilem, malis resistentem.

**A**Ttolle augustas Portas,  
Principis Basilicæ, Gnesna.  
Novus animorum Triumphator,  
Istud Capitolium ingreditur, Scipio Lechicus;  
**ROSIS** coronatus, & alios coronaturus.  
Abactis novis Senonibus,  
qui nec Divis Tutelaribus pepercere;  
Statori Poloniæ **ADALBERTO**,  
se, & sua venit litaturus.  
Oniæ nostro apparuisse credideris,  
hunc Ezechielem;  
*qui multum orat pro populo DEL.*  
Jam heterodoxus Neptunus,  
Spiritu paredrio inflatus, commotusq; nimis æstro superbiæ,  
Omnia Tridente suo evertisset:  
Nisi **REMI** triumphales **PROTOMARTYRIS** Lechici,  
Cymbam Reipublicæ juvissent.  
**ROSA EJUS GENTILITIA**,  
Cynosura nobis hætenus est salutaris.  
Sanguinis Purpura, in Polono polo tot seculis fulgens;  
prælagit compositis fluctibus, Cras serenum.  
Ita semper invisus Navigio Nostro Aquilo;  
Dorida Sarmaticum temerè fatigans,  
luit quoq; temeritatis suæ pœnas;  
propriæ superbiæ fluctibus submersus.  
Sic obliti conditionis humanæ Antiochi!  
*Major id vobis Dominus minatur;*  
*Quidquid à vobis minor extimescit.*  
Depone squallorem sanctior Sponsa!  
*Iam hyems transijt, imber abiit, & recessit.*  
Novam Chloridem Aprilis & Majus aperiunt.  
Reginæ Florum **ROSÆ & LILIA**,



augustius reflorescunt.  
 Primæ in Polonia Sedis,  
 PATRES CONSCRIPTI, totusq; PURPUREUS SENATUS,  
 ibit obviam lætior, Patri Patriæ PRIMATI.  
 Dabit manibus LILIA plenis,  
 & addet aurum auro;  
 Vota totius Archidiocesis coronaturus,  
 Ecclesiasticæ immunitati defendendæ,  
 Si unus minus suffecerat ARIES:  
 Tergeminus fortius tuebitur CAPRICORNVS.  
 Sic Divinissimus ADALBERTVS,  
 Inter nefasta Patriæ tristia, & ferales nœnias,  
 In Vno SZEMBECIO,  
 Tot sufficit GAUDENTIOS.  
*Hi Iacobtes letitiam augent suæ Rebecca;*  
*quia illis abundantius benedixit Sanctior Pater.*  
 Nempe cum ille sit omnia vicens,  
 nequeunt oculi ejus caligare,  
 ad fidelissimum Israël.  
 Porro huic Cœlesti Genitori,  
*non placet vesci de venatione,*  
*rapacis, & violenti Esau.*  
*Ex duobus HÆDIS Optimis,*  
*quos Iacob duxit de grege Paterno,*  
*parata esca libenter vescitur.*  
 Et quid miraris ab illo videri scalam?  
*Angelos descendentes, & ascendentes,*  
*& Dominum innixum Scala?*  
 Solenne est SZEMBECIIS!  
 descendere per humilitatem,  
 & ascendere per gradus virtutum ad honores.  
*sic descendendo ascendunt.*  
 Lapsus ex tanto fastigio nè timueris;  
 Dominus innititur scalæ, ut teneat,  
 & securitati suorum Angelorum provideat.



Scilicet non unum Lapidem,  
SZEMBECIUS Jacob, posuit in titulum,  
plures unxit oleo:

ideoq; & primogenita honorum meruit,

& tam Augusto spectaculo beari.

Dignus & pulcherrimâ Dignitatum Rachele,  
qui inter tot adversa, Heroicam gerit mentem.

*Fugiebat somnus ab oculis ejus,*  
propter assiduas circa gregem Dominicum vigilias.

Accesserant tot Elauorum furores.

Qui tantum nocuere suæ Constantiæ,

quantum fluctus allisi marinis rupibus.

Modò in fundamentum & ornamentum Ecclesiæ,  
etiam BERYLLVM portat, locatq;.

Ut verò melius fulgeat;

In sex angulos expolitur.

Tres dabunt GENTILITIÆ ROSÆ,

Totidem LILIA Tergemina

Peraugusti Capituli Gnesnensis.

Imò quot Prælati, & Canonici,

tot sunt BERYLLI inæstimabiles,

in sole publico candidi & rubicundi.

ô ad fulciendam Ecclesiam, & Patriam Lapidem angulares!

Quos Virtus, Profapia & Sapientia,

Omnes & singulos pronunciat ANTISTITES.

Hos Suffraganeos Gloriæ TUÆ,

ô PRINCEPS CELSISSIME!

tales nactus es, ut illis inviscereris.

Non plus ultra Honoris TUI in Polonia,  
plus ultra amoris erit.

TE redeunte, & ingrediente Archicathedram,

redit Spiritus in omnes artus Ordinum.

*Ossa arida erant Sarmatæ,*

*Nolebant, vel non poterant, audire Verbum Domini;*

TE Ezechiele Nostro exclamante,

consurgent in validissimum exercitum.



O cordiale efficacissimum ex ROSIS TVIS,  
contra diram discordiæ pestem!

ô Languenti ob fatalem oppressionem Palladi Nostræ,  
Medelam salutarem!

Ita Nos veritas, æqualq; Jupiter amet,  
ut ævum Illis interminabile peropramus.

RATIONALE TUUM ARCHIPRÆSULEUM,

& totam fortunam Regni, ita portes,

ô P R I N C E P S!

Ut Atlas Nostri Cœli Audias.

Experimento Noster, & exoticus ediscat Orbis,

Per TE TVAMQ; Profapiam,

Poloniam Poloniæ restitui,

& lapsa omnia instaurari.

Vos verò olim malefidi Promethæi,

Caucaſo conscientiæ alligati,

pro sinistris vulturibus, augustiorem AQVILAM accipite.

Pro atroci pœna, peccantibus in Patrios Penates,  
indulgentia declaratur.

In tot malorum Labirynthis, errantibus Theseis,

Lechicæ Ariadnæ, DOMUS SZEMBECIÆ,

aureum Filum consilij porrectum est:

ergo Cretenſes erga illam agemus?

*Istine Agamemnones pro benefactis vincendi?*

Ita leges gratitudinis obloquuntur;

vinciendos esse censuerim,

vinculis æternæ charitatis.

Vel ipse JOANNES PROCANCELLARIUS,

fit in vinculis aureis,

quæ olim Octavianus Augustus Romano paraverat Senatori.

Redux ad se Patria,

Fasciculum Rosarum,

ponat, ut signaculum super pectus suum.

Pateat tandem arcanum amoris sub ROSA;

quomodo omnem fucum, abjecerint SZEMBECII,

Aneas olim Patrem ex incendio sustulit;



Hī Matrem Patriam exportârunt.

Rapto à Pelasgis Palladio,

omen infauftū fuit Trojani excidij.

SZEMBECII Palladium Regni,  
totumq; Cymeliarchon, carius vitā custodiunt:  
ergo Iliacum infortunium non timendum.

Jo Triumphe!

Vivat SZEMBECIA DOMUS cum suo RRINCIPE,  
DEO, Legi, Regi, in æternum.

# PRETIOSUM



## LEVE ONUS

AARONI SARMATICO IMPOSITUM.

*Portabitq; Aaron nomina eorum coram Domino, super utrumq;  
humerum, ob recordationem. Exodi cap. 28. v. 12.*

Congere huc titulos fama!

Ordo Lapidum, maximorum Nominum petit seriem.

Duodenus utrorumq; numerus, mille poscit elogia.

Extra stateram pene eorum pondus est,  
ut etiam de ultimis finibus terræ, frustra addideris pretia.

Nulla hīc bilanx mensura Nominis est;  
ubi capiendis SZEMBECIIS, impar orbis Sarmatiæ.

Ternis Illi ROSARUM sphæris gestiunt,  
quarum singulis, implerent mundi circulum.

Ponè Primum Lechici Regni PRINCIPEM,  
quot videris SZEMBECIOS, Principes dicas.

Primas omnes agunt,  
etiam cū Primatem sequantur.



*Sic Illustrissimus & Reverendissimus Dominus,*  
**MICHAEL** in Slupow **SZEMBEK**,  
Dei gratiâ Episcopus Paphensis,  
Suffraganeus & Decanus Cracoviensis,  
Alter est post **PRINCIPEM**, & ipse virtute Princeps.  
Meritis enim & gloriâ, proximè Fratrem comitatur.  
Primis Paphiæ Infulis, caput cingens,  
altius Pedum non admisit,  
ne aliâs videretur crescere, cum sit semper magnus.  
Libentiùs meruisse singulas mitras duxit,  
quàm tenere.

**Atlantis LVBIENII** alter **Alcides**;  
Suffraganeus Cracoviensis, virtutum suffragium.  
Decanus **CAPITULI**, **DECUS** **CORONARUM**, **Decas** perfectionis.  
Vis gloriâ complecti verbo?  
**SZEMBECIUS** est, **MICHAEL** est,  
Cujus apparitio in Gargano magnorû honorû, brevi celebrabitur.

*Illustrissimus & Excellentissimus Dominus,*  
**IOANNES** à Slupow **SZEMBEK**,  
**Meritissimus** Regni **PROCANCELLARIUS**,  
Cæleste munus Patriæ, Gratia Divûm.  
Patriæ Patrem appellares, nisi mallet verus dici Filius.  
Perijt aliâs Patria, nisi hoc Nato donaretur.  
Erogato enim in militem extraneum ære,  
adhuc ditior est,  
quòd tantum Donum **IOANNEM** possideat.  
Aureum **IOANNIS** os, aureum Caput,  
totus eo titulo vocandus,  
qui aurò esset pretiosior.

**Poloniæ** **Poloniam**, **Patriam** sibi,  
**Regi** regnum, & **Regno** Regem,  
nescis, restituit magis, an servavit?  
Et debet suo **Minister** **Principi**, **Princeps** **Ministro**,  
gratias pro gratijs, pro corde pectus;  
quid debeat Patria? se totam.



A IOANNE enim sic illius dependebat indemnitas;  
ut sine hoc Nomine, nulla esset integritas.

Fecit Supremi Numinis favor,  
quod medio servemur in turbine;  
ingenium SZEMBECII, quod taliter servemur.  
Nam ita totus Regis Minister, totus Patriæ audit,  
ut Eum sibi ipsi vix vivere dicas.

Darent Superi!

si suis annis superaret secula.

At nimis injurius meritis es,  
si sola tantum secula voves:

IOANNEM enim optaret esse immortalem Polonia,  
ut dicatur desuper: sic *Eum volo manere.*

*Illustrissimus & Reverendissimus Dominus,*

**LVDOVICVS in Słupow SZEMBEK,**

Secretarius Regni Major, Canonicus Crac: &c.  
Primus arcana Regni, & in corde & sub ROSA recondidit.

Meruit Infulas, sed adhuc fugit;  
capeffiturus brevi, cum fugere non poterit.  
Cracoviensis interim, & Varmiensis Canonicus,  
Canon Virtutis, integritatis medulla.

Honores ab illis exorsus est Cathedris,  
in quibus nullus Præsul non Princeps,  
nullus Canonicus, non Principe dignus.

Ex his Episcoporum seminarijs,  
sumunt Auspicia Cathedræ,  
quod Pontificiæ vittæ, has ambient ROSAS.

*Illustrissimus & Excellentissimus Dominus,*

**FRANCISCVS in Słupow SZEMBEK,**

Regni Dapifer, Gubernator Becensis,  
Maxima Polonæ felicitatis Portio est.

Arrisit enim palato, singularior Patriæ sors,  
boni publici commodo,  
optatissimas mensas instruente SZEMBECIO.

Nemo Exterorum has vidit ROSAS,  
qui eas non invidit Poloniæ.

K

Nemo



Nemo suorum, sic auidè non inspexit,  
ut sensum, & voluptatem animi temperaret.  
Summis Principibus, Regibus, Imperatoribus,  
qualiter sapiant? in comperto est.

Si Herculem Lechicum AVGVSTVM credideris;  
omnino Theseus, hic SZEMBEIVS est.

Digniore tantus Macedo,  
nancisci non poterat Ephestionem.

Qui cum ROSAS, & obsequia obtulerit,  
immortalia opera nullo suffunder rubore.

*Perillustre & Reverendissimus Dominus,*

**CHRISTOPHOR** in Slupow **SZEMBEK,**  
Canonicus Cracoviensis &c.

De Superis, Ecclesia, Patria, Rege, merituris,  
Regula esto, & forma Gregis ex animo.

Didicit namq; sub externo Phæbo,  
qualiter lucere debuit ad Principes soles;

Serenissimæ Majestati, & Orbi Lecheo,  
nativæ virtutis splendores apicaturus.

Docuit evidentius, non ipsa tantum heliotropia,  
Hyperionem sequi,

ROSAS quoq; suas, serenitati Regiæ obversari.

Nullus ejus passus non de merito in meritum,  
utinam nullus fiat, non in majores curules.

*Illustris & Magnificus Dominus,*

**ALEXANDER** in Slupow **SZEMBEK,**  
Capitaneus Radomscensis,

agmen tantorum Nominum clauderet,

si vel toto Orbe capi possent SZEMBECII.

Ultra Thulen & Abilen, Nomen ALEXANDRI patet.

Gerit hoc Ethymon, & jam Magnus est;

Consultius diceretur Maximus.

Lustravit Italiam, peragravit Gallias,

Nullum Ei Regnum, non Macedonia erat,

id est ALEXANDRVM non capiens.

Plenus



Plenus mēitorum in Regem & Patriam;  
ut gloriam limitibus Poloniæ minimè circumscribat.

*Perillustis & Reverendissimus Dominus,*

FRANCISCVS in Słupow SZEMBEK,

Canonicus Cracoviensis &c.

pietate de Cælo meritissimus.

Talem vidit Roma, & præmiavit;

spondet majora, crescentibus annis.

Non erit in Ejus virtutes sic impius honos,

ut florum Reginam ROSAM, non adoret,

Tota hic se explicat pietas, tota Pallas,

adeoq; inclinabit Cælos,

ut sub suo influxu magis floreat ROSÆ.

*Illustris & Magnificus Dominus,*

STANISLAVS in Słupow SZEMBEK,

Castellanides Voynicensis,

Maximi Senatoris Filius, virtutum Heres.

Adhuc ille sub Palladis ægyde militat,

futurus brevi animorum Triumphator.

Adhuc excutit literarios pulveres;

ut assumat Paternam purpuram mundiolem.

Placet prius de eruditis mereri Camænis,

antequam de Patria mereatur.

Hic primum agmen SZEMBECII Nominis claudit,

verum non gloriæ, nec mēitorum.

Ultra enim hos, alteram calamus ducit Lineam,

quæ sine termino rectefactorum est.

Amplius utiq; hic mēita patent;

& adhuc SZEMBECIA virtus in medio est.

Acu rem tanges,

*in Illustrissimo & Excellentissimo Domino,*

FRANCISCO de Słupow SZEMBEK,

Castellano Vislicienfi &c.

Nacta honorem in hoc Viro Purpura,

& pene erubuit ad suum ingenium.



Omnia enim immortalitate, ita facit dignissima,  
ut & Purpura gaudeat;  
quod à SZEMBECIIS ROSIS, suum decorem mutuatur.

Novit Illum annis gravem Polonia,  
sed suspicit magis, omnibus absolutum numeris

**S E N A T O R E M.**

Sumit calamum?

Firmiorem Patriæ supponit Scipionem,  
Et abigit calamitatem.

Fundit consilia?

talìa nec Consus conciperet:

Coronent tantum Caput superi!

& tergemini ROSIS,

non falces lethi, sed secures honorum admoveant.

Non recessit ab hoc meritorum passu,

*Illustrissimus & Reverendissimus Dominus,*

**CHRISTOPHOR<sup>9</sup> de Słupow SZEMBEK,**

**Archidiaconus & Officialis Pomeraniæ.**

Cujus si spectes justitiam, Aristides,

si probitatis vestigia, omnium Canon est.

Summa in Eo virtutum, honorum fuga.

Supra alios eminere nolle, maximum velle est.

Sæpius plures sprevit Infulas,

omnium meritissimus;

ratus, maximum fore coronamentum Capitis,

continuis boni publici curis mentem premi.

Solem dixeris continuo motu,

& clarissimis splendere virtutibus;

& nihil in publico non optimum producere.

Vtinam tam Illustrissimus Phæbus,

Eclypticam decurrat seculorum & gratiarum.

*Illustris & Magnus Dominus,*

**ANTONIUS de Słupow SZEMBEK,**

**Tribun<sup>9</sup> Oswieciménsis, Vicepalatin<sup>9</sup> Crac.**

in



in utroq; Ducatu Nobilitatis facile Princeps.  
Circumstant Virum hunc omnium affectus,  
suavis eloquij, & nectare sinceritatis illecti.

Tam comis est in comitijs,  
ut in numerosissima oræ Ducalis caterva,  
non aliud caput optet Nobilitas, quàm SZEMBECIVM.

Felix Oswiecimensium Corona,  
quòd in Coronamentum sui has naçta sit ROSAS.

Pæstans enim præstantiores floribus,  
Lechicis campis, & virorem & vigorem restituunt.

De ROSIS dixi: ANTONIVM intellige.

Dicit ille, & ROSAS fundit,  
vel verba ROSIS simillima nectit.

Utinam ex his ROSARUM sphæris,  
altiores purpuras evolvat SZEMBECIO Cælum.

*Illustris & Magnificus Dominus,*

PETRVS à Słupow SZEMBEK,

Burgrabius Cracoviensis.

Peragratiss exterorum Regnis, domi Curius.

Quam Patriæ & Domui invexit gloriam,  
non servat tantum, sed & auget.

Brevi hæc Petra offenderet honores,  
seu ipse ultro in Petram incidet honos.

Respondebit tanto Nomini omen,  
quòd vel initia honorum,  
à Vaveli rupe inchoavit.

Et hæc sunt SZEMBECIORUM nomina,  
RATIONALIS Lapidibus respondentia.

Sunt & alia, quæ in diptera æternitatis,  
Summus PONTIFEX CHRISTUS bajulat.

*In memoria æterna erunt iusti;*  
ideo, nè vel cramben repetat calamus,  
vel injuriam faciat, immortalibus meritis,  
à temporalibus abstinet elogijs.

Curules eorum, & Publici boni curas,

L

vel



vel in solis, FRANCISCO Parente, PRÆCLAO FILIO,  
Magnis Senatoribus;

Cælestis Magnificèntia elevavit, & coronavit.

*Adhuc Filij Tui & Filia de latere surgunt:*

ô Pantheon virtutum, SZEMBEZIA DOMUS!

Novit Posnania & Vladislavia,

FRANCISCI Canonici sui adoreas.

Gnomon hic virtutum, & amissis,

eruditionis penu inexhaustum;

vel exinde non uno dignus Hyperide,

quod sub ROSA laudes suas teneri cupiat.

*VOS verò LUCERNÆ ardentes & Lucentes,*

Franciscanis, Elianis, Ignatianis ignibus,

modiumne censetis umbras Vestras Religiosas?

At illustres hæ umbræ, magis VOS produnt.

Ita nempe VOBIS latere contingit, ut soli:

Major ab his nubibus Lucis repercussio,

auget utriusq; gloriæ jubar.

Sic & VALERIANUS latendo non valet latere,

& JOSEPHUS, decrescendo accrescit,

& Filius Prophetarum licet nomen mutaverit;

Virtutem tamen SZEMBECIAM retinet.

VOS Sacratiores omnis ferè Religionis Parthenones,

Horti Eden Conclusi;

Quot sanctiores vestales SZEMBECIAS suscepistis,

tot Centifolia ROSARVM AGNO Immaculato implantâstis.

Nomenclaturam Vestram habet Liber vitæ,

in quo Digitus DEI connotat:

*Vbi inscripti nomina Regum nascuntur Flores.*

Matrem Regis Regum Virginem,

immaculato, & ROSEO incorruptionis calle sequimini,

*ergo adducantur Regi Virgines post eam.*

Porro VOS parvi SZEMBECCI Quirites,

Heroici Sanguinis gemmæ, germina virtutum;

Hoc agite, huc contendite,

*ut rapiatur ad similitudinem sui excellens natura.*

In



In athletica virtutis, & eruditionis,  
*sic currite; ut comprehendatis,*  
Exempla domesticæ integritatis, & honores.  
Hoc est sine pondere pondus,  
Tuis incumbens humeris, ô PRINCEPS!  
T U PRIMAS & PRIMUS Atlas hujus Olympi;  
sed sunt & plures, huic Cælo mansiones.  
Ascendisti in augem *sicut Luna perfecta,*  
*& Testis in Cælo nostro fidelis:*  
Ergo TE circumdant tot Familiarum sidera.  
Ordinem illarum non texit calamus,  
ne paritatis juri sit injurius.  
Prima tamen nunc Honoris TVI assistrix,  
TARNOVIORUM ILLUSTRISSIMA PROSAPIA,  
R O S I S Tuis colligata;  
non aculeos auxit, sed decores.  
*Vel Ipse Illustrissimus D. MICHAEL STANISLAUS*  
T A R N O W S K I,  
Castellanus Siradiensis, Aulæ Tuæ Mareschallus,  
non Mercurii Caduceum, sed Scipionem præfert.  
Imò Ipse Scipiones Romanos supergressus,  
Totum Familiæ suæ meritorum depositum,  
*CELSISSIMÆ DOMUI TVÆ importat.*  
MICHAELIS nomen, & rem geret,  
Stabit cum STANISLAO,  
& vibrato contra impios gladio, zelabit:  
Quis ut D E V S!  
Sed admittimus plures in axe poli Polonici  
V R S A S,  
quarum singulæ Majores sunt,  
in DEBINSCIORUM, GROTHORUMQ;  
Prosapijs.  
Quæ, quò TIBI magis conjunctæ sunt,  
eò Horizonti nostro magis lucent, & favent.  
In hoc enim ILLUSTRISSIMARUM FAMILIARUM Cælo,  
L 2 TV



**TU** Primum mobile es, **ô PRINCEPS!**

ad Cujus influxum, & motum,  
reliqua promoveri astra necessum est.

**A** sideribus Magneticâ vi omnia trahi,  
vetus Sophorum dogma est.

**Trahis ô PRINCEPS! TUIS ROSIS** in sidera versis,  
**RUPNIESCIORUM DRUZYNA**,

qui ad **TVI** Sanguinis refertur Propontidem.

**Grati TIBI** sunt **PRZYEMSCII**,

ut potè **TUI** amore, ore, re,

**Complecteris LESZCZYNIOS**,

Scilicet Horto **ROSARUM** opportunos.

**IAGNIATKOSCII**, tanquam agnelli currunt ad **ROSAS**.

Pro meta gloriæ **DOMUS TUA**,

est **ODROWAZIÆ SAGITTÆ**,

ex cuius impetu ad stadium vitæ,

& studium virtutum prodiisti.

**Irrigat ROSETVM & LVBOMIERSCIUS SRZENIWA**,

ut ex gurgite suo Gemmas, Gemmis addat.

**WIELOPOLSCIANUS SONIPES**,

per Campum **ROSEVM** gloriosum decurrit iter.

Nimirum dulce illi est cum **CAPELLIS**,

**ROSEIS** Cibis vesci.

**Ascia TARLORUM, & MORSCIORUM**,

æternæ gloriæ Architecta,

Hortum **TVVM** Conclavum facit,

nè profanis pateat manibus.

**CZARNIECCIORUM ARGONAVIS**,

non Phryxæum vellus, sed inæstimabile virtutum pretium,

**ROSIS TUIS** consignat.

**MALACHOVIORVM FASCIA**,

jam dudum **TIBI** Fasces æviternæ gloriæ colligavit.

**OPOCIA** Virtus, velut Marpesia cautes,

mutuum affectuum, & meritorum immortalium,

unâ cum **PRYSZYNIIS, CZERNIIS, KOBIELSCIIS**,

**RO-**



ROMERIIS, NIELEPCIIS, & aliis Sexcentis,  
Primatiali Honori, firmat Decus & tutamen.  
At horum duntaxat nomina, haud sufficit portare,

Ô PRINCEPS!

Gravius TIBI incumbit onus,  
totius Regni cura, profectò Ætnâ gravior.  
O quot illa Encelados pressit, vel oppressit.

Collapsa Ecclesiarum immunitas,  
clamat mæsto ejulatu, ut restauretur.

Conculcatæ Leges lugent, ut subleventur.

Libertas ab exotico Gradiivo, imò & suo mancipata,  
Ligatas palmas attollit, ut emancipetur.

Patrimonium CHRISTI, Dos Ecclesiæ,  
profanissimis militum manibus, in primam prædam versa  
supplicat; ut CRUCE TVA CONSTANTINVM agas.

Sub TE pietissimo ARCHIPRÆSULE,  
desinat tandem impia Martis pietas,  
in tot oppidis, & pagis Xenodochia fundare:  
ex Civibus, & Colonis, mendicos facere.

Ultima tandem, TUAM exosculatur fimbriam,  
Jagethonica Pallas,

Sed dubium, an illam cognoveris, Ô PRINCEPS!  
Mutatus est enim color auri optimus, in SCEPTRIS.

Hæc Regum Regniq; pupilla,  
Heu quantum in suis juribus læsa!  
Defendere olim Ioves suam Minervam;  
nunc illam in commune spolium produnt:

Filia Regum, tractatur ut serva.

Minervalia Doctorum, cesserunt in stipendia militum.

Dilapsa Juventus, seges Patriæ;  
eò quòd fruges consumere nati raptores,  
ut vastæ Charybdes, omnia abliguriant.

Verè nunc Aristoteles cogitur ire pedes,  
Sed nec Iustinianus, suum habet honorem;  
nec Galenus opes.

Ipse Apollo stipem petit, & Faunum agit,

M

in



in Heliconis deserto.  
Hæc malorum Ilias,  
Regni Scholæ, violatis privilegijs, evenit.  
Ad TE ergo Patrem, & Tutorem suum,  
Pupillæ confugiunt Musæ;  
ut asylum inveniant.

TIBI se ruinæ nostræ inclinant;  
ut feliciores assurgant.

Demum omnium Statuum vulnerata integritas,  
plorat, ut de efficaci amuleto provideas.

Tota quâ latè patet Patria,  
inter funestissima rudera, pullata jacens,  
languentem porrigit dextram, ut illam erigas.

Ad extremum omnium nostrum nomina,  
& onera ærumnarum portabis,  
Sarmatice Aaron.

Supremus Regnorum Stator,  
Princeps Regum terræ,

PRINCIPI nostræ, Atlanticas vires,  
& mille assistrices addat Intelligentias.

Doctrina & Veritas,  
quæ in RATIONALI TUO præfulgent,  
Sint Universi nostri columnæ,  
Auctoramenta pristinae felicitatis.

Lapides Duodeni,  
cedant in reparationem ruinarum;  
Ornamentum, & fulcimentum,  
Ecclesiæ, & Patriæ.





Q. IX. 8



675935 Bibliotheca 9000,-  
P.P. Cassaldulensium in Bielany

Depozyt w Bibliotece Jagiellońskiej



06417



